



Broj: 08-04-4-3242-1/25
Sarajevo, 3. 11. 2025. godine

PARLAMENT FEDERACIJE BIH
PREDSTAVNIČKI DOM

n/p Dragan Mioković, predsjedavajući
n/p Dennis Gratz, zastupnik

Ul. Hamdije Kreševljakovića br. 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 04-11-2025			
Org. jed.	Broj	Priloga	Vrijednost
05/1	-02-	580	25

PREDMET: Odgovor na inicijativu za parlamentarnu reviziju procesa formiranja i ažuriranja Federalne liste lijekova i utvrđivanje uzroka previsokih cijena lijekova u BiH

Poštovani,

Ured za reviziju institucija u Federaciji BiH (u daljnjem tekstu: Ured za reviziju) zaprimio je inicijativu zastupnika dr. Dennisa Gratz, kojom se od Parlamenta FBiH i Vlade FBiH traži da „hitno provede parlamentarnu reviziju i istragu u vezi s formiranjem i ažuriranjem Federalne liste lijekova i Liste lijekova Fonda solidarnosti FBiH“, te da „zatraži mišljenje Ureda za reviziju institucija u FBiH i Agencije za javne nabavke o eventualnim nepravilnostima u postupcima nabavke i formiranja cijena“.

Nadležnosti Ureda za reviziju utvrđene su Zakonom o reviziji institucija u FBiH (u daljnjem tekstu: Zakon). U skladu sa članom 8. Zakona, Ured za reviziju, pored finansijske i revizije učinka, provodi druge specifične – specijalne revizije, koje se, shodno članu 18. Zakona, realizuju na zahtjev Parlamenta FBiH ili Parlamentarne komisije odgovorne za reviziju, za koje je potrebno Uredu za reviziju osigurati posebna budžetska sredstva. Također, u skladu s članom 9. stav 2. Zakona, Ured za reviziju nije nadležan preduzimati nikakve aktivnosti izvan onih koje se zahtijevaju prema ovom Zakonu, ako smatra da te aktivnosti nisu u skladu sa njegovim dužnostima, ili ukoliko bi njihovo obavljanje spriječilo ispunjenje obaveza Ureda za reviziju prema ovom Zakonu.

Skrećemo pažnju na to da, u okviru finansijskih revizija Federalnog ministarstva zdravstva i Zavoda zdravstvenog osiguranja i reosiguranja Federacije Bosne i Hercegovine, Ured za reviziju obuhvata navedene aktivnosti, uvažavajući nadležnosti ovih institucija, te daje preporuke za otklanjanje utvrđenih nepravilnosti. Posljednja revizija izvršena je za 2024. godinu, a u skladu s članom 16. Zakona o reviziji institucija u FBiH, Ured za reviziju konačne izvještaje o obavljenim revizijama objavljuje na internet-stranici (<https://www.vrifbih.ba>). Izvještaji objavljeni na internet-stranici istovjetni su originalima. Stoga Vas upućujemo na internet-stranicu Ureda za reviziju.

U okviru Izvještaja o finansijskoj reviziji Federalnog ministarstva zdravstva za 2024. godinu (tačka 5.1) prezentovani su nalazi vezani za Postupak sačinjavanja liste lijekova obaveznog zdravstvenog osiguranja i bolničke liste lijekova i Postupak sačinjavanja i korištenja lijekova sa Liste Fonda solidarnosti FBiH, te su date odgovarajuće preporuke. Uvažavajući značajnost utvrđenih nalaza, kod Izvještaja o reviziji usklađenosti kvalifikovano je da nije izvršeno revidiranje Liste lijekova Fonda solidarnosti FBiH od 2019. godine.

U okviru Izvještaja o finansijskoj reviziji Zavoda zdravstvenog osiguranja i reosiguranja Federacije Bosne i Hercegovine za 2024. godinu (tačka 9) prezentovani su nalazi vezani za proces javnih nabavki. Na osnovu izvršene revizije konstatovano je da je Zavod kod provedenih javnih nabavki postupao u skladu sa Zakonom o javnim nabavkama, Procedurom za pripremu i provođenje postupaka javnih nabavki, Pravilnikom o pripremi i provođenju postupka javnih nabavki roba, usluga ili radova putem direktnog sporazuma i Pravilnikom o načinu glasanja i odlučivanja komisije za nabavke. Pritom napominjemo da se revizija obavlja ispitivanjem na bazi uzorka, zbog čega Ured za reviziju ne raspolaže kompletnom dokumentacijom svih provedenih postupaka.

Osim navedenog, naglašavamo da je finansijska revizija Federalnog ministarstva zdravstva i Zavoda zdravstvenog osiguranja i reosiguranja Federacije Bosne i Hercegovine predviđena i za 2025. godinu, u skladu s Planom revizije za 2025/2026. godinu.

S poštovanjem,

Dostavljeno:

- Naslovu
- Kabinet generalnog revizora
- a/a



GENERALNI REVIZOR

Mirza Kudjć

